

漢書辨疑

漢書辨疑卷四

嘉定錢大昭晦之甫學

王子侯表上

或替差失軌 替師古以爲古借字則字當作替

羹頡侯信 漢紀作刮羹侯括地志羹頡山在鵲州懷戎

縣東南十五里

合陽侯喜 喜史記作仲合陽惠帝紀作邵陽誤高紀及

吳王濞傳與此俱作合陽下雖不注郡名當是平原縣

八年九月丙午封 本紀七年十二月赦喜爲合陽侯

沛侯濞十一年十二月癸巳封 史記作二月癸巳封沛

沛郡縣

德哀侯廣下注泰山 廣代頃王子渾之弟也德功臣表屬濟南此注泰山疑是平原安德縣

以兄子侯 依例當於第二格書帝兄子

百二十 此位次也功臣表中軼侯黎朱蒼亦是百二十汲古閣本作百一十誤閩本作百二十表中凡言功比某侯者皆以後比前黎朱蒼百二十劉它百二十一故劉它功比軼侯表缺一百二十七廣之位次也上邳侯郢客一百二十八朱虛侯章一百二十九廣同是宗室位次必聯屬矣

頃侯通 孝景三年爲宗正

康侯敞二十四年薨 閩本作二十八年亦誤自孝景六

年至元鼎四年當云三十八年

上邳侯郢客 說文邳奚仲之後湯左相仲虺所封國在魯薛縣與地理志同是上邳卽薛縣東海有下邳故此云上邳客高后二年爲宗正

朱虛侯章 朱虛琅邪縣表不言初封戶數攷文帝紀元年以首先捕斬呂產益封二千戶

東牟侯興居 東牟東萊縣

管共侯罷軍 管地理志水經注竝作管濟南縣也共史記作恭

四年五月甲寅封 本紀作九月

侯戎奴孝景二年反誅 二當爲三

氏邳共侯甯國 氏邳史記作瓜邳俱誤應是斥邳魏郡
縣甯史記作寧說文甯所願也从用寧省聲寧願詞也
从万寧聲甯與寧同故甯陵夷侯呂臣史記作寧陵今
借爲安寧之寧俗作寧誤从母

營平侯信都 族子姑曰功臣表有營平侯疑此亦以營
平爲地名然史記只作營水經注澠水出營城東西北
流逕營城北文帝封劉信都爲侯國是引證明確矣

楊王其侯安 地理志作陽王濟南縣

楊虛侯將閭 平原縣地理志作樓虛非是史記作恭侯
將廬俞恭字

初侯辟光 初平原縣史記世家作勃

十二年爲齊南王 齊當作濟

安都侯志 正義曰安都故城在瀛州高陽縣西南三十

九里

平昌侯印 平原縣世家作昌平誤地理志琅邪亦有平

昌郡國志屬北海非印所封地

武成侯賢 郡國志泰山郡南城劉昭注左傳襄十九年

城武城杜預曰泰山南武城縣是矣南城漢書屬東海

其字作成

白石侯雄渠 正義曰白石故城在德州安德縣北二十

里司馬貞以爲金城縣誤矣

阜陵侯安 九江縣

安陽侯勃 汝南有安陽縣司馬貞以爲馮翊疑誤

陽周侯賜 上郡縣括地志寧州羅川縣在州東南七十

里漢陽周縣

東城哀侯良 九江縣良當作良

平陸侯禮 孝景元年禮爲宗正地理志東平陸屬東平

國封國例有戶數王子侯表上卷惟載山原五百五十

戶安郭五百二十戶下卷惟載富陽八百戶新利四百

戶成鄉九百戶成陵四百一十戶祚陽九百一十戶陽

興千三百五十戶合陽千一百六十戶永鄉二千七百

戶藉陽六百戶膠鄉七百四十戶庸九百一十戶式三

百戶靜鄉四百七十二戶故史記所載之平陸侯禮三

千二百六十七戶休侯富千七百五十戶沈猶侯成千三百八十戶棘樂侯調千二百一十三戶皆未之及非無籍可攷卽轉寫漏落也

休侯富更封紅侯 紅浦郡縣地理志作埵郡國志作紅春秋昭八年蒐於紅杜預曰浦國蕭縣西有紅亭休紅二地故云更封劉歆封紅休侯蓋兼有之

諡曰懿 史記作莊侯表例諡當在封地下

紅懷侯澄 史記作悼侯澄

敬侯嘉 嘉史記作發

沈猷夷侯成 歲史記作穢猷傳作猶同司馬貞曰漢表在高宛高宛千乘縣也楚元王傳注晉灼曰表屬千乘

今表脫注高宛孟子書有沈猶氏蓋以地爲氏者

宛胸侯執 濟陰縣兩漢志作宛句盧綰傳作宛句水經

注作宛胸字異地同執景帝紀作蕤

棘樂敬侯調 左傳昭四年吳伐楚入棘杜預曰譙國鄆

縣東北有棘亭

乘氏侯買 濟陰縣

安城思侯蒼 長沙縣地理志作安成古字通下注豫章

當在宜春侯成下誤移于此

句容哀侯黨 丹陽縣下注會稽誤

容陵侯幅 長沙縣史記作句陵誤

杏山侯成 族子站曰後漢書岑彭傳許邯起杏注南陽

復陽縣有杏林郡國志同太平寰宇記光州仙居縣有杏山仙居于漢爲扶縣屬江夏郡

浮丘節侯不害 史記作不審疑誤

廣戚節侯將 沛郡縣將史記作擇

丹楊哀侯敢 丹陽縣下注無湖無與蕪同亦丹陽縣名

盱台侯蒙之 臨淮縣地理志作盱眙同蒙之史記作象之

胡孰頃侯胥行 丹陽縣史記作湖孰同胥行史記無行字

秣陵終侯經 丹陽縣史記作秣陽經史記作漣

淮陵侯定國 史記作雎陵淮陵雎陵並臨淮縣傳作淮

陽非也水經注雖水又東逕雒陵縣故城北武帝封江都易王子劉楚爲侯國名雖不同當以雒陵爲正

張梁哀侯仁梁共王子龍王侯代菑川懿王子 史記皆作江都易王子

劇原侯錯 菑川縣

九月乙巳封 史記作五月

懷昌夷侯高遂 史記作壤夷侯遂

胡侯延年 史記無年字

平望夷侯賞 北海縣李賢曰今青州北海縣西北平望

臺是也一名望海臺

葛魁侯戚坐縛家吏恐賜受賂棄市 史記坐殺人

益都敬侯胡 北海有益縣水經注巨洋水又東北逕益縣故城東又東北積而爲潭枝津出焉西北流逕故益都城武帝封劉胡爲侯國是益都與益縣不遠

平的戴侯強 北海縣史記作平的誤

劇魁夷侯黑 北海縣史記黑作墨

五年乙巳封 年當作月

思侯招 史記名昭

孝侯利親 與平的釐侯同名且同是菑川懿王之後疑有譌字

壽梁侯守下注壽樂 或說壽梁卽壽良也東郡縣名壽樂亦卽壽良之異稱

平度康侯行

東萊縣行史記作衍

宜成康侯偃

濟南縣下注平原疑誤

臨朐夷侯奴下注東海

地理志臨朐縣兩見一屬東萊

一屬齊郡此云東海當是東萊之譌也屬東海者是朐

縣非臨朐

雷侯稀城陽共王弟下注東海

案地理志昌慮屬東海

慮屬城陽此國分自城陽則雷當作慮若從東海之說

當爲昌慮次弟史記作子

東莞侯吉

琅邪縣

辟土節侯壯

辟土史記作辟水經注葛陂水出三柱山

西南流逕辟土城南世謂之辟陽城武帝封劉壯爲侯

國

侯明 史記明作朋

尉文節侯丙 史記趙世家以尉文封相國廉頗爲信平
君正義曰尉文蔚州地

封斯戴侯胡傷 常山縣史記作共侯胡陽

榆丘侯受福 史記受作壽

邯鄲侯仁 魏郡縣

東城侯遺爲孺子所殺 史記遺有罪國除

廣望節侯忠 涿郡縣史記作望廣誤忠史記作安中案
節侯之子名中則其父必不名安中亦誤

將梁侯朝平 水經注博水又北逕清涼城東卽將梁也

應與中山之望都相近

新館侯未央 史記作新館

陸城侯貞 中山縣地理志作陸成古字通史記作陸城
誤蜀志先主諱備漢景帝子中山靖王勝後也勝子貞
元狩六年封涿縣陸城亭侯坐酎金失侯案亭侯之制
至建武時始有蜀志衍亭字遂與此不合以陸城爲涿
縣亦誤

新處侯嘉 中山縣史記及地理志作新處

蒲領侯嘉下注東海 勃海縣東海當作勃海

東強侯曼 清河縣

畢梁侯嬰 閭本作卑梁 高密頃王子都亦封卑梁

旁光侯股 史記作房光形相似而謬

距陽憲侯句侯淩嗣 史記句作白淩作渡

婁節侯退 後漢書馮異傳有無婁亭注云在今饒陽縣
東北卽其地矣退史記作邈

阿武戴侯豫 涿郡縣

參戶節侯免 勃海縣免史記作勉

州鄉節侯禁 涿郡縣

平城侯禮 當依史記作成平勃海縣也索隱曰漢表在
南皮今脫

廣侯順 齊郡縣

陰安康侯不害 魏郡縣史記作陪安疑誤

哀侯秦容 閩本作秦容猶言郢客

榮闕侯騫下注荏平 荏平東郡縣續漢志屬濟北國

周望康侯何 史記作周堅

陪繆侯則 則史記作明

前侯信 史記作叢索隱曰漢表作最

安陽侯樂 安平原縣陽當爲煬史記樂作桀

五據侯耀正 史記作腹邱以下五侯表云濟北式王子

史記俱作濟北貞王子 表無濟北貞王但有成王胡成與式相似

富侯龍 泰山有富陽縣

平侯遂 或以爲河南縣濟北封地不能遠至河南

羽康侯成 平原縣

胡母侯楚 族子玷曰風俗通胡母姓本陳胡公之後公
子完奔齊遂有齊國齊宣王母弟別封母鄉遠本胡公
近取母邑故曰胡母氏據此則爲齊地何疑

離石侯綰 西河縣

邵侯順 索隱曰漢表在山陽今脫然代共王子所封屬
於西河者多唯臨河屬朔方以邵爲山陽猶以皋琅爲
臨淮以千章爲平原與代地毫不相關也順史記作慎

蒯侯罷車 西河縣

臨河侯賢 朔方縣

濕成侯忠 西河縣

土軍侯郢客 西河縣

舉琅侯遷

西河縣

千章侯遇

西河縣

博陽頃侯就

田儋傳田橫走博史記作博陽卽此

寧陽節侯恬

太山縣索隱曰漢表在濟南今脫夏侯勝

傳初魯共王分魯西寧鄉以封子節侯別屬大河此寧

陽卽西寧鄉

瑕丘節侯政

山陽縣

公丘夷侯順

沛郡縣

陸地侯義下注辛處

史城作陘城誤辛處卽新處中山

縣

武始侯昌

魏郡縣

爲氏節侯賀 鉅鹿縣

易安侯平下注部 易涿郡縣部常山縣

路陵侯童 史記作洛陵疑昭陵之誤昭陵長沙縣

攸與侯則 攸長沙縣與字未詳水經注攸水逕攸縣北

縣北帶攸溪蓋卽溪以名縣也武帝封長沙定王子劉

則爲侯國

茶陵節侯訢 長沙縣

建成侯拾 豫章縣索隱曰漢表在豫章今脫

安眾侯欽 南陽縣故宛西鄉說文無欽字疑當作款音

苦管反

葉平侯喜 南陽縣史記喜作嘉嘉與喜字近易訛下高

平侯喜功臣表涉都侯喜史記亦竝作嘉

利鄉侯嬰 東海縣水經注游水北逕東海利成縣故城
東故利鄉也

東平侯慶 卽元鼎元年爲大河郡者甘露二年爲王國
運平侯記 左氏傳成十六年公還待於郕京相璠曰公
羊作運字今東郡廩丘縣東八十里有故運城卽此城
也

山州侯齒坐耐金免 案齒于元鼎六年擊閩越坐畏懦
誅

海常侯福坐耐金免 案功臣表繚樊侯劉福以校尉從
橫海將軍擊南越元封元年正月乙卯封二年有罪免

蓋初以王子封後以有功封

騶正敬侯寬 史記騶作鈞寬作憲

原侯報德 史記作執德

南城節侯貞 東海縣

廣陵虎侯褒 廣陵縣徐廣曰一作廣陽非也史記作常

侯表

杜原侯舉 史記作莊原

臨樂敦侯光 勃海縣

高平侯喜 史記喜作嘉嘉是中山靖王子也元鳳五年

又封中山康王子喜爲成侯嘉爲喜之父行不應同名

當從史記

廣川侯頗 信都縣

重侯擔下注平原 勃海縣史記作千鍾侯搖水經注作
千童侯陰陰與搖聲相近擔與搖形相似酈元說是也
平原有重丘非擔所封地

被陽敬侯燕 千乘縣史記作披陽李賢曰被陽故城在
今淄州高苑縣西南

定敷侯越 勃海縣史記敷作敬下柳康侯子亦諡敷
定侯乘王莽篡位絕 三史拾遺曰按侯乘絕于王莽之
世不得有諡且定爲國名豈當更以定爲諡乎定侯之
定其爲衍文無疑

稻吏侯定 琅邪縣

山原侯國 山地名原謚也說文邑部卹地名从邑山聲
疑卽此矣

繁安夷侯忠 千乘縣

柳康侯陽己 勃海縣陽己史記及水經注只作陽

雲夷侯信 琅邪縣水經注云富平縣西有東方朔冢

側有祠祠側有雲城武帝封劉信爲侯國

牟平共侯濞齊孝王子 東萊縣史記濞作緤後漢書劉

寵傳吳志劉繇傳並云孝王少子

柴原侯代 泰山縣

柏暢戴侯終古 史記作柏陽

敬安侯延年 常山縣史記敬作郿

乘止節侯將夜 乘止史記作桑止中山王子封地不能
遠至泰山郡之乘止史記趙世家趙肅侯二十三年與
齊魏戰於桑止括地志桑止故城在易州遂城縣界索
隱曰漢表在深澤今脫深澤中山縣

柳宿夷侯益 索隱曰漢表在涿郡今脫外戚傳嘗之柳
宿蘇林曰聚邑名也在中山盧奴東北三十里

樊輿節侯脩 涿郡縣脩史記及水經注竝作條案脩與
條古字通周勃傳迺封爲條侯地理志作脩應劭曰音
條

曲成侯萬歲下云涿 此非東萊之曲成也

安郭于侯傳富 水經注滌水東南逕安郭亭東

安險侯應 中山縣

安道侯恢 史記作安遙

夫夷敬侯義 零陵縣

春陵節侯買 南陽縣後漢書宗室四王傳云節侯買封

於零道之春陵鄉至考侯仁以春陵地執下涇山林毒

氣上書求減邑內徙元帝初元四年徙封南陽之白水

鄉猶以春陵爲國名

戴侯熊渠 後漢書同惟景十三王傳只作庸

孝侯仁 後漢書城陽共王祉傳文選南都賦注引東觀

記竝作考侯

都梁敬侯定 零陵縣史記定作遂

洮陽靖侯狩燕 零陵縣史記狩燕作狗彘索隱曰漢表

名將燕狩字誤

眾陵節侯賢 零陵縣史記作泉陵是

終弋侯廣置衡山賜王子 史記作衡山王賜子陳景雲

曰衡山賜王疑是衡山王賜之誤但賜坐謀反國除事

在元狩元年若有子爲列侯雖不與逆謀亦應奪爵不

應至元鼎中始以酎金免矣則衡山賜三字恐皆有誤

昌侯差 琅邪縣

黃侯方 索隱曰漢表在琅邪今脫

庫茂康侯澤 琅邪縣地理志作雩陵

原洛侯敢 史記作石洛侯敬

挾術侯昆景 史記作扶滯侯昆吾李廣芸曰昆吾雙聲
得以命名作昆景誤談泰曰昆景雙聲昆吾非雙聲漢
書較長

釐侯霸 挾史記作拔

枋節侯讓 平原縣

文成侯光 史記作父成下注東海非潁川之父成矣

庸侯餘 史記餘作譚

鮑侯應下注襄賁 襄賁東海縣

彭侯強 史記強作偃族子姑曰彭卽朐郡國志泰山費
縣有朐亭者是費前屬東海後改屬泰山說文朐亦作
繫案本表劉屈旄封澎侯澎卽繫字之誤然則彭卽繫

也功臣表彭簡侯察同其元孫壽王爲費公士正在其處

軻節侯息 北海縣

盧水康侯禹 琅邪縣

東淮侯頽下注北海 索隱曰漢表在東海北當作東

拘侯賢 史記作枸侯賈

清侯不疑 史記作涓侯

陸元侯何元鼎元年七月辛卯封下注壽光 史記作元

狩元年四月封壽光北海縣

廣饒康侯國七年辛卯封 齊郡縣年當作月以下三侯表皆云七月封史記皆作十月表中世次宣帝以後略

而不書案王莽傳有廣饒侯劉宗奏符命

餅敬侯成 琅邪縣

俞閭煬侯毋害 史記作不害

甘井侯光 史記光作元

襄隄侯聖始元二年聖子倫以曾祖廣川惠王曾孫爲廣

德王 襄隄史記作襄陵始元當作元始曾祖二字疑

衍

皋虞煬侯建 琅邪縣

頌侯顯 頌非諡疑頃之譌

魏其煬侯昌 琅邪縣

祝茲侯延年 史記無年字水經注膠水逕祝茲縣故城

東

高樂侯

勃海縣

參巖侯

則郡國志濟陰定陶有三巖亭

南繇侯

佗鉅鹿縣

郇侯

舟常山縣南雍本閩本於第一格有師古曰郇音

呼各反八字今脫

爰戚侯

當山陽縣

栗節侯

樂沛郡縣

汶夷侯

周舍沛郡縣

號節侯

起濟南縣

抑裴戴侯

道魏郡縣說文解字亦作抑裴地理志作卽

裴鄭德音卽非

澎侯屈釐 屈釐傳及百官表並作屈釐古字通功臣表
歷侯程釐史記釐作釐傳云以澎戶二千二百封表脫
戶數

漢書辨疑卷四終

漢書辨疑卷五

嘉定錢大昕晦之甫學

王子侯表下

松茲戴侯朔 廬江縣

頃侯繼 繼不戒字閭本作繼

蘭旗頃侯臨朔 東海縣地理志作蘭旗

容王戴侯方山 東海縣

長成頃侯文德 東海縣

蒲領煬侯祿 勃海縣

南曲煬侯遷 廣平縣

高城節侯梁 南郡縣

成獻侯喜 涿郡縣

新市康侯古下注堂陽 鉅鹿縣堂陽亦屬鉅鹿益分置
朝陽荒侯聖 濟南縣武五子傳云宣帝卽位封胥四子
聖曾寶昌皆爲列侯表獨缺寶

平曲節侯曾 東海縣

南利侯昌 水經注汝水別溝又東逕西門城卽南利也
縣北三十里有孰城曰北利傳云後胥子南利侯寶坐
殺人奪爵此云南利侯昌未知孰是

安定侯侯賢 鉅鹿縣

東襄侯使親 使當作便便親猶利親也表中參戶侯平
的侯制魁侯皆名利親

脩市原侯寅 勃海縣

東昌趨侯成 信都縣說文蹠疾也故晉灼音蹠疾

新鄉侯豹四月乙丑封 清河縣地理志作信鄉新信古

字通王莽傳新鄉侯侈卽信鄉後漢書新陽侯陰就亦
作信陽乙丑當作己丑下脩故侯下乙丑亦誤

東陽節侯宏 清河縣

新昌節侯慶 潁郡縣

釐侯嫺 說文嫺嫺也妍弱長兒

邯鄲節侯偃 魏郡縣地理志作邯溝

樂陽繆侯說 常山縣

桑中戴侯廣漢 常山縣

張侯嵩 廣平縣

景侯原侯莊 勃海縣

平陽侯招 信都縣

桑鄉侯修 信都縣

高鄉侯璽 涿郡縣

樂望侯光 北海縣

成康侯饒 族子站曰地理志有饒縣侯國此與樂望柳

泉同日封亦同屬北海疑是也或應云饒康侯成歟

柳泉仲侯強 北海縣下注南陽涉下而誤

復陽嚴侯延年 南陽縣志云故湖陽樂鄉

注復音力目反 力南雍本岡本並作方

鍾武節侯度 江夏縣後漢書劉聖公傳云前鍾武侯劉

望起兵略汝南遂自立爲天子未知度幾世孫表未載
高城節侯梁 此侯孝昭始元六年六月乙未封已見前
矣凡號謚名及子孫曾皆同惟始封年月不同其爲重
出無疑然始元所封長沙頃王子唯一侯而元康元
年則與復陽鍾武同日封似宜去彼存此

海昏侯賀四月壬子封 豫章縣

侯會邑建武後封 傳云今見爲疑脫今見

曲梁安侯敬 廣平縣

遼鄉侯宣 族子站曰後漢書杜茂傳茂封脩侯坐事削
戶邑定封遼鄉侯攷茂歷封樂鄉苦陘廣武脩等地並

近常山然則遠鄉卽遠鄉歟

樂信頃侯强 鉅鹿縣

昌成節侯元 信都縣

廣鄉孝侯明 廣平縣

成鄉質侯慶 廣平縣地理志作城鄉古通用

平利節侯世 廣平縣

平鄉孝侯王 廣平縣文獻通考作平陽誤王通考作任

西梁節侯闢兵 信都縣

厯鄉康侯必勝 鉅鹿縣

武陶節侯朝 鉅鹿縣

利鄉孝侯安 涿郡縣

都鄉侯景 常山縣下注東海誤

昌慮康侯宏 東海縣

山鄉節侯綽 東海縣

建陵節侯遂 東海縣

東安孝侯強 東海縣水經注時密水逕東安城南漢封

劉強爲侯國

承鄉節侯當 地理志東海有承縣

建陽節侯咸 東海縣

高鄉節侯休 琅邪縣

茲鄉孝侯宏 琅邪縣

都平愛侯止 東海縣

箕愿侯文

琅邪縣

侯欽 欽闕本作襄文獻通考作襄

高廣節侯勳 琅邪縣

卽來節侯倭 琅邪縣

右孝宣 案楚元王傳云地節中以楚元王曾孫德親親

行謹厚封爲陽城侯立十一年薨諡繆侯子安成嗣薨

子慶忌嗣薨子岑嗣薨曾子王莽敗乃絕表失載

膠鄉敬侯慎 北海縣

桃煬侯良 信都縣

安平侯習 豫章縣地理志安平兩見一屬豫章一屬

涿郡長沙王子封國不能遠至涿郡下注鉅鹿亦誤以

爲涿郡之安平

陽山節侯宗 琅邪縣

昆山節侯光 琅邪縣

折泉節侯根 琅邪縣

博石頃侯淵 琅邪縣

要安節侯勝 案後漢書劉盆子傳云求軍中城陽景王
後得七十餘人惟盆子與前西安侯劉孝最爲近屬表
中城陽景王之後有要安無西安疑卽此侯西安齊郡
縣

房山侯勇 琅邪縣

式節侯憲 泰山縣

侯萌十九年免案後漢書劉盆子傳云王莽篡位因除

臨鄉頃侯雲 涿郡縣

西鄉頃侯容 涿郡縣三國志容作宏劉放傳云廣陽頃

王子西鄉侯宏後也

陽鄉思侯發 涿郡縣

益昌頃侯嬰 涿郡縣

羊石頃侯回 北海縣

石鄉煬侯理 北海縣

新城節侯根 北海縣

上鄉侯欽 北海縣

于鄉節侯定 東海縣

石山釐侯瑒 瑒邪縣陳景雲曰嘉既免爵不當有謚釐
字衍

都陽節侯音 東海縣

參封侯嗣 瑒邪縣陳景雲曰參封侯爵再傳始奪則嗣
以善終法當有謚今脫

伊鄉頃侯遷 瑒邪縣

襄平侯骨 臨淮縣

貫鄉侯平 臨淮有射陽縣射亦作貫

中鄉侯延年 山陽縣

鄭頃侯罷軍 山陽縣

黃節侯順 山陽縣

平樂節侯遷 山陽縣

蕭鄉隆侯就 山陽縣

東鄉節侯方 沛郡縣

溧陽侯欽 沛郡縣欽當有謚今脫

高柴節侯發 沛郡縣

臨都節侯未央 沛郡縣

高賢侯昂 沛郡縣

北鄉侯譚 齊郡縣

蘭陵節侯宜 臨淮縣地理志作蘭陽是

廣平節侯德侯德嗣 臨淮縣父子同名必有一誤

博鄉節侯交 九江縣

柏鄉戴侯貫 鉅鹿縣

安鄉孝侯喜 鉅鹿縣

廣滎侯便 齊郡縣

樂陽侯獲 地理志東萊郡有陽樂侯國卽此

平城釐侯邑 北海縣

密鄉頃侯林 北海縣

樂都煬侯訢 北海縣

武鄉侯慶 琅邪縣慶當有諡今脫

成鄉釐侯安 北海縣

廣戚陽侯勳 沛郡縣陽當作煬傳云諡曰煬傳載戶數
四千三百此亦不書

外黃侯國

陳畱縣

平陸侯國

水經注尉氏縣有平陸縣故城建武元年以

戶不滿千罷爲尉氏縣之陵樹鄉故陳畱風俗傳云陵
樹鄉故平陸縣也寵爲淮陽王之孫其所封者是矣酈
元以此爲劉禮封國誤矣

鄆鄉侯國

東海縣

建鄉侯康

東海縣

安丘侯常

琅邪縣

樂鄉侯護

山陽縣

西安侯漢

齊郡縣

重鄉侯少柏

水經注蒗水東逕重鄉城南左傳所謂滅

文仲猶子重館也

伊鄉侯開 琅邪縣此與湖鄉侯竝是東平思王孫而又
同日受封不應同名

就鄉侯不害 此與金鄉侯皆思王孫而同時受封亦不
應同名

樂安侯禹 千乘縣

桃鄉頃侯宜 太山縣

新陽頃侯冰 東海縣

富陽侯萌 太山縣

曲鄉頃侯胤 山陽縣

棘山侯欽 太山縣

昌陽侯霸

臨淮縣

臨安侯閔

琅邪縣

徐鄉侯炅

東萊縣炅王莽傳苟悅漢紀竝作快

臺鄉侯畛

齊郡縣

西陽頃侯竝

山陽縣

廣昌侯賀

代郡縣

方鄉侯常得廣陽惠王子

惠文獻通考作思是

右孝成

案楚孝王傳成帝立楚懷王文弟平陸侯衍爲

王是爲思王表無此侯諸侯王表但云衍以孝王子紹

封不言其爲平陸侯亦太略也

嚴鄉侯信

案信有二子穀鄉侯章德廣侯鮪見翟義傳

當是王莽居攝時所封故表弗錄

武安侯授 魏郡縣

湘鄉侯昌長沙王子 郡國志湘鄉屬零陵班志無此縣

文獻通考作長沙孝王子此脫孝字

右孝哀 案燕王澤傳云哀帝時繼絕世乃封敬王澤元孫之孫無終公士歸生爲營陵侯表失載

陶鄉侯恢八年 案八年下脫免字南雍本闕本皆有之
安陸侯平 江夏縣後漢書劉般傳作原鄉侯蓋析安陸之原鄉爲國

梧安侯譽 案後漢書馬嚴傳注引東觀記建武三年右扶風曹貢爲梧安侯相則光武初其國尙存也

扶鄉侯普 王莽傳有扶恩侯劉貴小顏謂不知誰子孫
予謂貴與普形相近疑卽此侯表傳封地微有不同必
有一誤

方城侯宣 廣陽縣

廣城侯連師古曰連音竹二反 連不成字閩本作連注
同依小顏音當是宛字之譌

昭陽侯賞 郡國志昭陽屬零陵

承陽侯景 長沙縣

漢書辨疑卷五終

漢書辨疑卷六

嘉定錢大昭晦之甫學

高惠高后文功臣表

注唯作元功蕭曹等十八人位次耳 閩本曹作何

隕命亡國云子孫 閩本無云字作或亡子孫南雍本有

或字亡譌爲云閩本是

注庸功庸也 南雍本閩本功上俱有賣字

注黎萌於變時雍 萌古與氓同楚元王傳民萌何以勸

勉師古曰萌與氓同孟子書皆悅而願爲之氓孫奭音

義云氓或作萌

注三聖謂堯舜禹也 閩本禹下有三人二字

以昭元功之侯籍云 閩本無云字

平陽懿侯曹參 河東縣

以中涓從起沛 如淳曰春秋傳曰涓人時漢儀注天子有中涓如黃門

萬六百戶 傳云萬六百三十戶

位次格脫二字 蕭何傳上以鄂千秋言令何第一曹參次之

靖侯宿 高后四年爲御史大夫

侯宗坐與中人姦闖人宮掖門人財贖完爲城旦 案史記世家宗坐太子死國除五行志征和二年四月巫蠱事興平陽侯曹宗下獄死與此異

參元孫之孫杜陵公乘喜 杜陵京兆縣自平陽徙居之

公乘第八爵

以參元孫之元孫杜陵公士紹封 之字下元孫二字不
應用大字公士第一爵

以本治子舉兵佐軍 當作本始

信武肅侯靳歙 地理志無信武

別定江漢 史記作江陵傳亦云別定江陵身得江陵王
致雒陽師古曰江陵王謂其敖之子其尉也此作江漢
誤

侯五千三百戶 傳云定食四千六百戶

九年薨 自高帝六年封至高后五年薨凡十九年脫十

字

汝陰文侯夏侯嬰 汝南縣

共侯賜四十一年薨 四當從閩本作三

侯頗坐尚公主與父御姦自殺 公主景帝女平陽公主也景十三王傳云武帝姊御妾御

嬰元孫之子長安大夫信 長安京兆縣大夫第五爵

清河定侯王吸 史記表作清陽楚漢春秋作清陽侯王隆表中周昌功比清陽侯亦謂吸也地理志清陽屬清河郡

二十二年薨 三當從閩本作二

詔賜吹代後得關內侯不言世 爲吸之後者故云代後

不知其世次故不言世

陽陵景侯傅寬 左馮翊陽陵景帝始更名漢初未有也

楚漢春秋作陰陵是九江縣

頃侯清 清史記作靖

其侯明 明史記作則形相涉而譌王子侯表陪繆侯則

史記作明

長陵士伍景 如淳曰律有罪失官爵稱士伍

廣嚴侯召歐 齊郡縣

廣平敬侯薛歐 廣平縣或以爲臨淮縣非是觀孝景改

封常山之縣可知此當屬廣平也高帝五年歐爲典客

平棘侯澤 常山縣

博陽嚴侯陳渢 汝南縣渢楚漢春秋作隤

堂邑安侯陳嬰 臨淮縣

侯午 午以善終法當有諡史記作夷侯

尚節陶公主 文帝女名嫫

侯季須 外戚傳作須無季字

隆慮侯融 河內縣融史記作蟠融是公主子故得別封

當與季須並列此誤高一格

曲逆獻侯陳平 中山縣初封戶牖後徙封

五千戶 本紀孝文元年以謀尊呂產等軍益封三千戶

長安籍裏莫 韓嬰第三子

田文成侯張敖 楚國縣

注傳天下由張良 傳當作得

坐與門大夫殺故楚內史 傳作坐不敬

射陽侯劉纒 臨淮縣 纒與酈跖張敖越棘上侯襄鄧弱

趙堯等六人皆無位次蓋呂后時陳平等上位次縛纒等或以罪免或已身死故不得與其數至陽夏淮陰早以反誅更無有位次之理

鄧文終侯蕭何 沛郡縣說詳高紀

筑陽侯延 南陽縣

武陽侯嘉 東海縣封武陽者嘉也俗本以武陽繫於蕭則之格誤矣嘉應有諡史記作幽侯

鄧其侯蕭慶 南陽縣

安侯建世以何元孫紹封 宣帝紀作曾孫非是

釐侯喜永始元年七月紹封 本紀作元延元年封案表
云三年薨永始四年質侯尊嗣其事更爲明晰本紀誤
也

絳武侯周勃 河東縣

八千一百戶 傳及世家作八千一百八十戶本紀文帝
元年以謀呂產等軍益封邑萬戶

脩侯亞夫 信都縣

平曲共侯堅 東海縣

侯共以勃元孫紹封千戶 以傳證之則其所紹封者絳
侯非平曲侯也當注絳字平帝紀亦云元孫傳以其爲

勃元孫之子與此小異

舞陽武侯樊噲 潁川縣

五千戶 傳云五千四百戶

長陵不更勝客 不更第四爵

曲周景侯酈商 廣平縣

四千八百戶 傳作五千一百戶

繆懷侯世宗 懷侯上史記有元朔三年是世宗史記只

作宗

詔賜商代後者猛友爵關內侯 平帝紀作明友明孟古

通用孟諸亦作盟諸

潁陰懿侯灌嬰 潁川縣

定齊淮南及八邑 八邑史記作下邑

五千戶 文帝元年以合謀誅呂氏益封三千戶

汾陰悼侯周昌 河東縣

比清陽侯 卽清河侯王吸也比之者言其功相埒吸位

次十四邑十六

哀侯開方 史記云開方嗣侯建平有罪是徙封建平也

表脫建平

安陽侯左車 汝南縣

沃侯國士伍明 沃疑是涇沃干乘縣

梁鄒孝侯武虎 濟南縣史記作武備

比博陽侯 陳潁也潁位次十九虎二十

夫夷侯國公乘充竟 夫夷零陵縣

成敬侯董涿 涿郡縣

比厭次侯 爰類也類位次廿四涿廿五

康侯赤 文帝紀建成侯董赤爲將軍擊匈奴匈奴傳成侯董赫爲將軍赫赤古字通本紀建字羨文

蓼夷侯孔聚 六安縣聚史記作聚索隱曰姚氏案孔子家語云子武生子魚及子文子文生最字子產說文以最爲積聚字此作聚不同

侯臧嗣 司馬貞曰按孔叢云臧厯位九卿爲御史大夫辭曰臣經學乞爲太常典禮臣業以安國綱紀古訓武帝難違其意遂拜太常典禮賜如三公臧子琳位至諸

吏琳子璜失侯爵此云臧國除則當更封其子也

費侯陳賀 東海縣史記賀諡圉徐廣曰圉或作幽

定會稽浙江湖陵侯 湖陵史記作湖陽

巢侯最 地理志廬江有居巢縣

陽夏侯陳豨 淮陽縣

隆慮克侯周寵 河內縣克史記作哀

陽陵公乘 史逸其名

陽都敬侯丁復 城陽縣

趨侯甯 古有以趨爲諡者王子侯表有東昌趨侯成甯

史記作實

孝文十年 史記作元年是

陽信胡侯呂青

陽信史記作新陽汝南縣若是勃海之

陽信則孝文元年其國尚存不得復以封劉揭矣青史
記作濤

功比堂邑侯

陳嬰也嬰位次八十六青八十七

東武貞侯郭蒙

琅邪縣

四十一

案位次四十一已有丙猜矣表無二十一疑四

當作二

汁防肅侯雍齒

廣漢縣史記表地理志作汁那留侯世

家作什方郡國志水經注作什加此表又作汁防應劭

音汁爲十如淳音汁爲什其字當從說文作什那

功比平定侯

齊受也受位次五十四齒五十七

汴防終侯桓不得年 史記作孝景中三年

棘蒲剛侯陳武 史記趙世家敬侯六年伐魏取棘蒲張

守節曰今趙州平棘縣古棘蒲邑也又新欽傳云從攻

安陽以東至棘蒲是其地矣高五王傳云使棘蒲侯柴

將軍擊濟北王張晏以爲柴武表云孝文後元年薨子

奇反誅不代攻淮南王傳奇亦作柴武子賈誼傳亦作

柴奇後漢隗囂傳云昔柴將軍與韓信書注云柴將軍

柴武也今表及史記竝作陳武則此人有兩姓也

都昌嚴侯宋軫 北海縣

軫元孫昌侯國公士先 族子站曰昌侯國當是都昌侯

國南安侯宣虎曾孫南安侯襲肥如侯宋實曾孫肥如

大夫皆其例也

武彊嚴侯嚴不職 臣瓚曰武彊城在陽武縣不職史記作不識

坐爲丞相建御史大夫陽不直自殺 陳景雲曰陽當作湯謂張湯也建下疑脫治字建議劾治謂之建治見谷永傳

貫齊合侯傅胡害 史記作貫齊侯呂徐廣曰呂一作台水經濁漳水又東南逕貫城西漢高帝六年封呂博爲侯國南雍本閩本合侯作侯合

功比臺侯 戴野也野位次三十五此三十六其侯方山二十年薨 閩本作二十九年是

元壽一年 一當作二

海陽齊信侯搖毋餘 遼西縣

南安嚴侯宣虎 犍爲縣

肥如敬侯蔡寅 遼西縣

六十六 表中位次六十六者已有酈疥矣疑當作六十八表尙有紀通亦六十六則五十六之譌也

嚴侯戎 戎史記作成

曲成圉侯蟲達 東萊縣史記作曲城圉侯蠱達

以西城戶將三十七人從 史記作曲城達由曲成起故

以曲成封之達爲曲成戶將猶傳胡害爲越戶將也

至霸上爲執金吾 案百官表武帝太初元年更名中尉

爲執金吾高帝初尙未有此名史記作執珪是

位次曰夜侯 夜古掖字亦東萊縣

恆侯捷 恆當從史記表作垣河東縣

河陽嚴侯陳涓 河內縣

淮陰侯韓信 臨淮縣

爲連敖栗客 史記作典客司馬貞曰漢表作栗客大昭

案信傳云信爲治栗都尉則栗客近之小顏謂以其栗
疾而客禮之恐是臆說

莒侯酈跖 沛郡縣史記作莒侯昭此以昭爲跖子

爲定武君 史記作武定君

張侯昭 廣平縣

敬市侯閭澤赤 史記作故市故市河南縣

功比平定侯 齊受也受五十四此五十五

柳止齊侯戎賜 勃海有柳縣非柳止司馬貞以爲屬勃
海非也

以三隊將入漢 史記作二隊將案蟲達陳涓皆嘗爲此
官吏記是

八千戶 史記無八字

侯安國 表脫謚史記謚曰定

魏其嚴侯周止 琅邪縣史記作周定

以爲騎郎將破項籍東城 閩本將作從如閩本則以騎
郎爲官名非也王吸嘗爲騎郎將

祁穀侯納賀 太原縣

賀舉楚迫騎 迫史記作追

漢王顧謂賀祁王 王史記作子

坐射擅罷免 徐廣曰射一作耐

平悼侯工師喜 河南縣工師喜史記作沛嘉廣韻一東

作公師壹

比費侯賀 陳賀也賀位次三十一喜三十二他處比某

侯不書名此獨小異

位次曰聊城侯 東郡縣

魯侯奚涓 魯國縣

功比舞陽侯 樊噲也噲位次五涓七

重平侯底 勃海縣

城平嚴侯尹恢 沛郡縣

功比厭次侯頃侯諸莊 厭次侯爰類也類位次二十四
恢二十六頃侯諸莊未詳問本頃作項史記無此四字

任侯張越 廣平縣

棘北侯襄 晉灼曰棘原在鉅鹿南

河陵頃侯郭亭 史記作阿陵涿郡縣

勝侯客嗣 侯以罪免法不得有諡勝亦非諡名史記作
侯勝客

昌武靖信侯單究 膠東縣究史記作甯

侯賈成 表脫諡史記作康侯

二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百
一百一
一百二
一百三
一百四
一百五
一百六
一百七
一百八
一百九
二百
二百一
二百二
二百三
二百四
二百五
二百六
二百七
二百八
二百九
三百
三百一
三百二
三百三
三百四
三百五
三百六
三百七
三百八
三百九
四百
四百一
四百二
四百三
四百四
四百五
四百六
四百七
四百八
四百九
五百
五百一
五百二
五百三
五百四
五百五
五百六
五百七
五百八
五百九
六百
六百一
六百二
六百三
六百四
六百五
六百六
六百七
六百八
六百九
七百
七百一
七百二
七百三
七百四
七百五
七百六
七百七
七百八
七百九
八百
八百一
八百二
八百三
八百四
八百五
八百六
八百七
八百八
八百九
九百
九百一
九百二
九百三
九百四
九百五
九百六
九百七
九百八
九百九
一千
一千一
一千二
一千三
一千四
一千五
一千六
一千七
一千八
一千九
二千
二千一
二千二
二千三
二千四
二千五
二千六
二千七
二千八
二千九
三千
三千一
三千二
三千三
三千四
三千五
三千六
三千七
三千八
三千九
四千
四千一
四千二
四千三
四千四
四千五
四千六
四千七
四千八
四千九
五千
五千一
五千二
五千三
五千四
五千五
五千六
五千七
五千八
五千九
六千
六千一
六千二
六千三
六千四
六千五
六千六
六千七
六千八
六千九
七千
七千一
七千二
七千三
七千四
七千五
七千六
七千七
七千八
七千九
八千
八千一
八千二
八千三
八千四
八千五
八千六
八千七
八千八
八千九
九千
九千一
九千二
九千三
九千四
九千五
九千六
九千七
九千八
九千九
一千
一千一
一千二
一千三
一千四
一千五
一千六
一千七
一千八
一千九
二千
二千一
二千二
二千三
二千四
二千五
二千六
二千七
二千八
二千九
三千
三千一
三千二
三千三
三千四
三千五
三千六
三千七
三千八
三千九
四千
四千一
四千二
四千三
四千四
四千五
四千六
四千七
四千八
四千九
五千
五千一
五千二
五千三
五千四
五千五
五千六
五千七
五千八
五千九
六千
六千一
六千二
六千三
六千四
六千五
六千六
六千七
六千八
六千九
七千
七千一
七千二
七千三
七千四
七千五
七千六
七千七
七千八
七千九
八千
八千一
八千二
八千三
八千四
八千五
八千六
八千七
八千八
八千九
九千
九千一
九千二
九千三
九千四
九千五
九千六
九千七
九千八
九千九

騰元孫之子遼陽不更忠高宛侯丙猜元孫之孫高宛
大夫麟南安侯宜虎曾孫南安侯襲護皆是母害封于
於陵其子孫卽爲於陵大夫亦其例矣

其侯勃 史記作勃齊

曾孫於陵大夫告 何孫上脫母害

東茅敬侯劉到 郡國志東平有茅鄉城

以二隊入漢 疑亦是二隊將說見前

四十八 位次內劉釗張平皆四十八而三十八無人疑

當作三十八

侯告 告史記作吉案吉告相似轉寫易譌周禮大宗伯
以吉禮事邦國之鬼神前注云故書吉或爲告杜子春

云書或爲告禮者非是當爲吉禮緇衣尹吉曰注云吉當爲告古文詰字之誤也說文禘禮吉也爾雅釋詁禘告也郭璞未詳禮吉亦禮告之譌也易姤象曰后以施命誥四方鄭康成作誌云止也

斥止懿侯唐厲 魏郡縣

臺定侯戴野 濟南縣

用隊率入漢 申屠嘉嘗爲隊率亦作隊帥朱軫爲隊帥是也率帥古通用

侯午 午史記作才

安國武侯王陵 中山縣

樂成節侯丁禮 河間縣

辟陽幽侯審食其 信都縣

酈成制侯周繇 史記作蒯城服虔音背蒯之蒯則是汝
南地說文所云颺汝南安陽鄉是也羅泌曰酈春秋蒯
得之邑譌爲蒯括地志河南縣西四十里有酈亭今有
酈鄉又攷說文酈右扶風鄠鄉又曰沛城父有酈鄉讀
若陪蓋陪與憑聲相近故楚漢春秋又作憑城蘇林亦
音酈爲薄催反也以字或作憑證之則酈是而蒯非特
以形相似而誤耳竊意繇是沛人當以城父鄉爲正觀
其紹封之酈仍屬沛郡必非右扶風之鄉明矣下注長
沙二字非是制侯傳作貞侯

酈康侯應 沛郡縣

安平敬侯鄂秋 涿郡縣肅何傳作鄂千秋此脫千字史
記表作謫千秋案世家列傳俱作鄂知作謫者非

坐與淮南王安通 史記作與淮南王女陵通

北平文侯張敖 中山縣孝文四年敖爲丞相

以客從起武陽 武陽據傳及史記當作陽武

高胡侯陳大乞以都尉擊籍將軍定燕千戶 以都尉擊

項籍又以將軍定燕地一說以都尉擊項籍之將軍而

又定燕地亦通定燕下疑脫侯字

厭次侯爰類 東方朔傳云平原厭次人則本平原縣也

明帝改富平爲厭次因舊名耳爰類不書諡史闕文

侯嗣 表脫名馬氏通考以嗣爲侯名謬矣史記名賀

平皋煬侯劉它 河內縣

功比軟侯 黎朱君也朱蒼位次百廿它百廿一史記作
功比戴侯彭祖非是凡言比者皆以位次前者比之彭
祖乃百廿六

復陽剛侯陳胥 清河縣

陽河齊侯其石 疑卽上黨之陽阿

功比高湖侯 陳夫乞也夫乞位次八十二石八十三

柏至靖侯許益 史記作許溫

侯昌 孝景後三年爲太常表脫謚史記謚曰哀

侯安如 表脫謚史記謚曰恭

中水嚴侯呂馬童 涿郡縣

杜衍嚴侯王翳 南陽縣項籍傳及史記竝作王翳

侯郢人 表脫謚史記謚曰疆徐廣曰疆一作景

赤泉嚴侯楊喜 喜後漢楊震碑作憲司馬貞曰南陽有
丹水疑是赤泉後改

朝陽齊侯華寄 南陽縣

棘陽嚴侯杜得臣 南陽縣

侯但 表脫謚

涅陽嚴侯呂騰 南陽縣騰項籍傳史記表並作勝

平棘懿侯林摯 常山縣摯史記表作執不載姓

深澤齊侯趙將夕 中山縣將夕史記表水經注竝作將
夜

史夷胡侯 胡侯二字當乙史記作夷侯胡史是胡之封

國馬氏通考以爲頭子名失之矣

掣頃侯溫疥 掣史記作恂案此疑卽周文王子所封之
郇國也左氏傳僖廿四年軍于郇服虔曰郇國在解縣
東郇瑕氏之墟詩地理攷引春秋釋地曰解縣西北有
郇城水經注涑水西逕郇城郇伯故國也今解故城東
北二十里有故城在猗氏故城西北俗名爲郇城

厯簡侯程黑 信都縣

九十二 案位次九十二已有王虞人矣此當是九十七
史記作九十三非是

武原靖侯衛肱 楚國縣

功比高陵侯 王虞人也虞人位次九十二肱九十三史記作九十二非是

侯不害坐葬過律免 潛夫論景帝時原侯衛不害坐葬過律奪國卽其事也惟少一武字不同耳

橐祖侯陳錯 山陽縣地理志橐莽曰高平臣瓚音拓郡國志高平侯國故橐章帝更名橐高同聲故莽改高平而章帝因之或爲橐者字之誤耳臣瓚讀爲拓失之矣永平元年以橐益東平東平王傳作橐又隸釋有橐長蔡湛頌益可信橐之誤矣史記表祖作祗錯作錯

侯千秋 史記云不得千秋父徐廣曰千秋父以元朔元年立此則竟以安爲千秋之父中間又不闕一代未知

孰是

宋子惠侯許癰 鉅鹿縣

用趙右林將 史記右作羽

功比歷侯 程黑也黑位次九十七 表作九十二誤 癰九十九

共侯留 兩史記作不疑

衛氏敬侯陳遯 河東縣

清簡侯室中同 東郡縣史記室作空徐廣曰空一作室

案室室古字通論語惡果敢而室者釋文魯讀室爲室

鄭康成從古韓勅脩孔廟碑庫室字原云義作庫室索

隱室中姓見風俗通而此表及廣韻皆作室中

比彭侯 秦同也秦同位次七十室中同七十一

疆圉侯畱勝 史記圉作簡勝作勝

比彭侯 秦同也同位次七十一勝七十二

戴侯章復 案其子亦名復豈有父子同名者史記只作章

侯復 史記復作服

彭簡侯秦同 索隱曰漢表在東海今脫王子侯表城陽
頃王子彭侯強下注東海二字又澎侯劉屈氂晉灼曰
東海縣然東海無彭縣族子玷曰王子侯表彭屬東海
同元孫爲費公士費縣亦屬東海然則彭爲費縣地矣
郡國志費縣有祊亭古祊彭字通用此彭卽祊

吳房嚴侯楊武 汝南縣史記項羽紀作吳防

三月辛卯封 史記作二月辛巳

甯嚴侯魏邀 甯水經注以爲卽脩武是也郡國志河內
郡脩武縣有小脩武聚春秋曰甯左傳定公元年魏獻
子卒於甯杜預曰甯今汲郡脩武縣近吳澤光武紀注
云本殷之甯邑韓詩外傳曰武王伐紂勒兵於甯改曰
脩武索隱以爲甯陽屬濟南非也甯陽卽寧陽屬泰山
郡國志屬東平濟南無此縣

昌國侯旅卿 琅邪縣旅仞奴傳及史記表竝作盧案旅
盧古今字禹貢蔡蒙旅平韋昭音盧士冠禮旅占鄭注
古文旅作臚班固述贊云大夫臚岱鄭德云臚岱季氏
旅于泰山是也本表其嚴侯旅罷師史記旅作盧

其嚴侯旅罷師 河內縣

關氏節侯馮解散 司馬貞曰屬安定卽烏氏也

安止懿侯張說 北海縣

以執盾入漢 史記作執鉞案孔聚問澤赤繪賀襄失其姓皆嘗爲執盾

陽陵上造舜詔復 復下閭本有家字

襄平侯紀通 臨淮縣水經注以爲遼東之襄平誤表不

言初封戶數孝文元年通以誅諸呂定策益封二千戶

功比平定侯 齊受也受位次五十四通當是五十六

六十六 表中位次內六十六有蔡寅紀通酈疥三人蔡

寅之六十六是六十八之譌而五十六尙闕且通又功

比平定必是五十六也

孝景中三年康侯相夫嗣 案景紀三年詔曰襄平侯嘉子恢說不孝謀反欲以殺嘉大逆無道其赦嘉爲襄平侯及妻子當坐者復故爵論恢說及妻子如法晉灼曰紀通子也孝景三年康侯相夫嗣推其封薨正與此合豈更名嘉乎大昭謂晉說非也本表紀通受封在高帝八年閏五十二年而薨正孝景中三年豈得刪去三年上中字以遷就已說更可疑者相夫嗣侯在中三年而三年詔書已稱嘉爲襄平侯則嘉之嗣封又在相夫之前矣以嘉爲通之別名則可以嘉爲相夫之別名則大不可

龍陽敬侯陳署 龍陽史記作龍

平嚴侯張瞻師 平史記作繁蜀郡縣說文亏部云古文

平作采又云采辨別也讀若辨古文作兮番字从采采與平相似番與繁同音故繁爲平耳

侯安國嗣不得年 史記作中三年

敏上造連城 古繁字作𣎵故訛爲敏

陸量侯須無詔以爲列諸侯 量史記作梁無諸字

高景侯周成 周昌傳同史記作高京

功比辟陽侯 審食其也食其位次五十九成六十

四月戊寅封 此五字當下一格

楚漢春秋亦闕 楚漢以下二十二字疑是注文脫師古

曰三字

成帝時光祿大夫滑堪日旁占驗 藝文志天文家有漢日旁氣行事占驗三卷又有漢日旁氣行占驗十三卷

義陵侯吳郢 武陵縣

宣平武侯張敖 楚漢春秋作南宮侯張耳非也耳乃敖父未嘗爲南宮侯

侯偃爲魯王孝文元年復爲侯 張耳傳云復封故魯王偃爲南宮侯表云復爲侯者復爲南宮侯也表脫南宮二字

六年哀侯歐嗣十七年薨 此六年上脫十字是孝文之十六年也表承上文故不重言孝文耳十七年薨者正

當孝景中二年公卿表元光四年爲太常之宣平侯張
歐別是一人非張偃之子歐所嗣者是南宮侯非宣平
侯且元光四年南宮侯歐之薨已十五年矣安得有爲
太常之事傳中闕此哀侯一世竟以生爲偃子誤矣
睢陵侯廣孫元光三年以王弟紹封 臨淮縣廣孫本傳
及公卿表作廣國主史記作生
侯廢忌以赦元孫紹封 本傳是紹封宣平表脫宣平
二字

信都侯侈 信都縣

以非正免 據本傳侈與受皆赦前婦子故云非正

樂昌侯受 受傳作壽

東陽武侯張相如 臨淮縣

慎陽侯樂說 汝南縣表逸謚樂史記作樂

開封愍侯陶舍 河南縣

比其侯 旅罷師也罷師位次百十四舍百十五

夷侯青 孝文後二年陶青爲御史大夫

元狩五年坐酎金免 元狩當作元鼎

禾成孝侯公孫昔 昔史記作耳

堂陽哀侯孫赤 鉅鹿縣

祝阿孝侯高色 平原縣色史記水經注並作邑

長脩平侯杜恬 河東縣

以內史擊諸侯攻項昌以廷尉死事侯 史記作以內史

擊諸侯功比須呂侯以廷尉死事此處當有誤字漢書云攻項昌則無其地史記功比須呂則無此侯若云死事則其子當侯無自侯之理以意度之當是以內史擊諸侯侯功比須昌侯須昌侯趙衍也衍位次百七恬百八故云比耳功譌爲攻須譌爲項脫落比字又移侯字于死事之下以致不可句讀後讀震澤王氏本史記正作須昌始信予言之不謬恬爲廷尉在孝惠三年

侯意 史記意作喜

陽平侯相夫 東郡縣

江邑侯趙堯十一月封 史記作正月辛未

營陵侯劉澤 北海縣孝惠元年澤爲衛尉

萬一千戶 一史記作三

土軍式侯宣義 西河縣式史記及水經注作武

廣阿懿侯任敖 鉅鹿縣

須昌貞侯趙衍 東郡縣

臨轅堅侯戚繼以都尉守鄆城 鄆閭本作漸

汲紹侯公上不害 河內縣索隱曰汲漢表作伋伋與汲

竝縣名屬河內據此似唐本史記作波漢書作汲也當

從水經注作波紹史記作終

甯陵夷侯呂臣 陳留縣地理志及史記作寧陵古字通

說詳王子侯表

戴侯謝 謝史記作射吳射慈亦作謝慈古字通也摯虞

三輔決錄注云漢末大鴻臚射咸本姓謝名服天子以爲將軍出征姓謝名服不祥改爲射氏名咸載見廣韻晉人不識古文故辨爲此說

汾陽嚴侯靳彊 太原縣

江鄒侯石封嗣 江鄒百官公卿表作江都石封公卿表及史記俱無封字按靳彊之孫胡于孝景時已中絕至元鼎中有二十餘年矣蓋石以彊曾孫紹封故有封字非其名也石旣是紹封不得云嗣疑有脫誤

戴敬侯祕彭祖 地理志梁國菑縣故戴國史記無祕字廣韻祕密也又姓西秦錄有僕射祕宜

安侯軫 史記作旻安期

衍簡侯翟旡爲燕令以都尉下楚九城堅守燕 按堅守燕三字似當在爲燕令下轉寫倒誤

平州戴侯昭涉種 本表平州侯王映元封三年封下云梁父蓋昭涉昧于元符中免侯故復封映彼云梁父此亦是也左傳宣元年會于平州杜預曰齊地在泰山牟縣西史記種作福

中牟其侯單右車 河內縣單右車史記作單父聖索隱曰漢表作單父左車與今本異古有以左車爲名者周昌之孫亦名左車

卽嚴侯黃極忠 南郡縣

博陽節侯周聚 汝南縣索隱以爲屬彭城則字當作傅

地理志屬楚國

陽羨定侯靈常 吳郡縣

下相嚴侯洽耳 臨淮縣

高陵圉侯王虞人 琅邪縣史記作王周

九十二 案表中九十二有程黑王虞人二人依史記則

衛胙是九十二程黑是九十三然表內位次皆以後比

前從未有以前比後者既云衛胙九十功比高陵九十

則王虞人之爲九十二無疑矣表闕九十七其程黑歟

侯弄弓 史記作惠侯并弓此脫謚

期思康侯賁赫 汝南縣

戚圉侯季必 東海縣灌嬰傳云重泉人李必水經注亦

作李必必之曾孫信成爲太常公卿表作李信成

穀陽定侯馮谿 沛郡縣

以卒前二年起拓 拓閭本作柘

嚴敬侯許猜 嚴史記作壯一作莊猜作倩

元光五年節侯周嗣三年薨元朔二年侯廣宗嗣 史記

元光五年下卽云侯廣宗嗣閼節侯周一代

成陽定侯奚意 濟陰縣史記逸其姓

桃安侯劉襄 信都縣襄子舍爲太僕公卿表書爲桃北

侯

高粱其侯酈疥 郡國志河東郡楊縣有高粱亭左傳僖

二十三年有高粱杜預曰高粱在楊縣西南

侯勃 酈食其傳勃作遂

侯平 史記作武遂侯平

紀信侯煬 煬史記作陽

景嚴侯王競 景史記作甘泉篆文相似耳競史記作敬

敷侯眞粘 眞粘史記作莫搖

侯嬖師古曰音許孕反 案師古音非也史記嬖作嫖嫖
古文作嬖从女與𠂔漢書多用古文故爲嬖傳寫者譌
爲嬖耳當音匹昭反

張節侯毛釋之 廣平縣史記作毛澤

侯鹿 表脫謚鹿史記作慶篆文慶从鹿今作鹿壞字也

資聚端侯革朱 史記蘇秦說魏襄王曰大王之地東有

淮新黃縣郡國志濟陰郡宛句有黃縣城

於昌 公卿表孝景中三年黃縣乘昌爲奉常乘輿革
相似而謫

僞陵嚴侯朱游 潁川縣

五十一 當從史記作五十二因五十一已有稍賀也

藏幽侯張平 閩本作幽嚴侯史記幽作蘭字之謫漢書
莊作藏音之謫也閩本是

右高祖百四十七人 總計之實百三十七人四當作三
宣帝紀元康元年復高皇帝功臣絳侯周勃等百三十
六家子孫六當是七也

二人在外戚四人在王子凡百五十三人 此用史記原

數也序云侯者百四十三人苟紀同則五當作四

便頃侯吳淺 桂陽縣淺吳芮庶子

淺元孫長陵上造長樂 末格注編字或以便侯兼食南
郡之編縣地歟馬氏通考以編爲淺元孫名非也淺元
孫旣名長樂安得又名編此貴與凡說

軟侯黎朱蒼 江夏縣黎朱蒼史記作利蒼

百一十 閩本作百二十案王子侯表德哀侯廣位次亦
是百二十是傳寫之誤廣實百二十七說詳王子侯表
閩本是

彭祖嗣 彭祖上脫某侯二字

平都孝侯劉到 上郡縣前有東茅敬侯劉到彼到字火

記作釗非同時之侯有兩劉到也

百一十 列侯位次前後其可考者一百三十七人間有傳寫譌者予已攷訂明確說詳功臣表及王子侯表中矣惟百十表中有成陽侯奚意軟侯黎朱蒼平都侯劉到三人其黎朱蒼之百十則百二十之譌已有闕本可證至劉到亦云百十疑有譌字矣攷位次簿高后二年陳平等所上是時身死代絕及削爵者固不得與而高后元年所封之南宮侯張買博成侯馮無擇何以不在位次之列或疑張買馮無擇是百三十八九而劉到是四十然文獻無徵未敢臆斷今將各本及史記校定位次前後具於左方

蕭何

曹參

張敖

周勃

樊噲

酈商

奚涓

夏侯嬰

灌嬰

傅寬

靳歙

王陵

陳武

王吸

薛歐

周昌

丁復

蟲達

陳濞

武虎

郭蒙

周緤

朱軫

爰類

董濞

尹恢

郭亭

召歐

陳涓

孔聚

陳賀

工師喜

嚴不職

周竈

戴野

傅胡密

搖毋餘

劉釗

戎賜

唐厲

丙猜

丁禮

丁義

周止

單究

華毋害

陳平

張平

陳胥

陳遼

綰賀

朱泚

周聚

齊受

閻澤赤

紀通

雍齒

許益

審食其

周成

鄒秋

張良

宣虎

林攀

張蒼

酈疥

張說

蔡寅

華寄

秦同

室中同

畱盼

呂臣

高色

革朱

陽城延

孫赤

魏遼

毛釋之

陳倉

杜得臣

陳夫乞

其石

陳畧

冷耳

陳嬰

呂青

劉澤

任敖

季必

溫疥

王虞人

衛肱

楊武

張瞻師

靳彊

程黑

趙將夕

許癰

馮解散

呂馬童

王翳

楊喜

呂騰

馮谿

王競

趙衍

杜恬

旅卿

奚意

昭涉掉尾

許猜

黃極忠

旅罷師

陶舍

戚鯁

公孫昔

張相如

靈常

黎朱蒼

劉它

宣義

公上不害

陳錯

卑石車

祕彭祖

劉廣

劉郢客

劉章

翟盱

樂說

賁赫

吳濩

吳郢

劉襄

吳陽

須無

南宮侯張買

信都縣下注北海疑誤

元年四月丙寅封

表不言其薨免之事史記云高后八

年侯買坐呂氏事誅國除蓋其國已除故孝文元年復

以南宮封張偃爲侯其事甚明表乃云侯生嗣孝武初

有罪爲隸臣萬六千六百戶攷張生是南宮侯張偃之

孫孝武初正爲南宮侯是時張買國絕已久安得復有

子名生者爲南宮侯乎且生罷侯時其戶萬六千六百

必是張敖之後封國本大故有此戶數若是尋常之侯

必不能享此大國當是傳寫者因其姓及封地皆同誤

移於此

梧齊侯陽城延 楚國縣城史記作成陽城姓延名廣韻

複姓高祖功臣有陽成延李善注文選云陽城人名延

平定敬侯齊受 西河縣

博成敬侯馮無擇 張守節曰括地志兗州博城本漢博

城縣城

沅陵頃侯吳陽 武陵縣陽亦吳芮庶子

中邑貞侯朱進 勃海縣進史記作通

樂成簡侯衛毋擇 南陽縣闕本及史記作樂平

侯侈 侈闕本作後

有請賕吏 史記有作又賕作求

山都貞侯王恬啟 南陽縣

漢五年爲郎中柱下令 公卿表五年有郎中令王恬啟
祝茲夷侯徐厲 史記作松茲廬江縣形相似而譌

十一年薨孝文七年康侯悼嗣 本紀孝文後六年以祝
茲侯徐厲爲將軍自高后四年封至後六年已二十七
年此云十一年誤下云孝文七年亦誤七年上當有後
字

成陰夷侯周信 成陰史記作成陶

俞侯呂它 清河縣地理志說文解字竝作郇

功比朝陽侯 華寄也呂它受封在高后四年故不入位

次內

醴陵侯越 長沙縣

陽信夷侯劉揭 勃海縣

十一月辛丑 本紀作十月辛亥

壯武侯宋昌 膠東縣

樊侯蔡兼 東平縣表脫諡

用常山相侯 相本紀作丞相

沘陵康侯魏駟 沘陵史記作波陵索隱曰漢表波作沘

南郎侯起 玉篇廣韻竝云郎地名各收貞呈二音表脫

姓

黎頃侯召奴 東郡縣史記云千四百一十戶此脫

侯延坐不出持馬 潛夫論黎陽侯邵延坐不出持馬身

新國除是其事也黎作黎陽召作邵不同

餅侯孫單 琅邪縣史記餅作餅單作鄆

弓高壯侯韓隕當 河閒縣索隱曰漢表在營陵今脫唯
閭本有之隕傳及史記竝作殯此無戶數史記表云千
二百三十七戶

不得子嗣侯者年名 史記以則爲殯當子此以則爲殯
當孫故云

龍頡侯說 平原縣案韓王信傳云殯當孫說以校尉表

都尉擊匈奴封龍頡侯後坐酎金失侯復以待詔爲橫

疑誤 海將軍擊破東粵封按道侯史記亦同是龍頡按道爲
一人表於龍頡則云侯說於按道則云愍侯說又似二

人攷韓僞傳說以軍功封按道侯衛青傳武五子傳閩
粵傳龍額安道俱作韓說又功臣表中隨父者止言龍
額不及按道明是一人故不重書諡史記作說說與諡
字形相涉而譌師古不加細攷遂妄音爲口交反失之
遠矣表於按道有諡於龍額不稱諡以說終于按道也
按道愍侯說元封元年五月以橫海將軍擊東越侯 史
記作元鼎六年蓋此紀其受封之時史記載其出兵之
候故不同

侯曾 侯上脫安字本傳有諡曾本紀及韓王信傳作增
元封元年節侯其以寶從父昆弟紹封 元封疑當作元
延傳云成帝時封增兄子岑爲龍額侯世次則同而名

不同

侯倣弓 傳作持弓

襄城哀侯韓嬰 潁川縣脫戶數史記云一千七百三十一戶

故安節侯申屠嘉 涿郡縣脫戶數史記云一千七百一十二戶

侯史更封 更封者更封清安侯也表脫清安閭本及史記俱有之

漢書辨疑卷六終